

ADMINISTRACIÓN LOCAL MUNICIPAL PONTEDEUME

Anuncio de incoación de expediente de investigación sobre bens

ANUNCIO DE INCOACIÓN DE EXPEDIENTE DE INVESTIGACIÓN SOBRE BENS

O Pleno do Concello de Pontedeume en sesión ordinaria celebrada o día 26 de outubro de 2017 adoptou ACORDO relativo a “Expediente de investigación sobre bens” que de seguido se transcribe:

“PRIMEIRO.–Incoar expediente de investigación da titularidade dos camiños incluídos na relación seguinte, que presuntamente pertencen á Corporación Local:

1.–Camiños sobre os que consta referencia catastral e acreditada a condición de desconto en canto á titularidade catastral dos mesmos, esto é reservadas a dominio público segundo datos suministrados pola Dirección Xeral de Catastro, e asimesmo constan no PXOM como camiños reflexados na planimetría do documento urbanístico en vigor en Pontedeume:

- 1.–Camiño Igrexa de San Cosme (ref. catastral 15070A010090040000WW).
- 2.–Camiño en San Cosme (ref. catastral 15070A010090020000WU).
- 3.–Camiño en A Fontenova (ref. catastral 15070A018090050000WH).
- 4.–Camiño en O Silvar (ref. catastral 15070A007090070000WY).
- 5.–Camiño da Minsión (ref. catastral 15070A003090140000WT).
- 6.–Camiño de Porto Carral (ref. catastral 15070A011090020000WX).
- 7.–Camiño en O Castro (ref. catastral 15070A009090160000WZ).
- 8.–Camiño da Fraga. Subida a Breamo 2.º tramo parcial (ref. catastral 15070A004090090000WW).
- 9.–Camiño de Breamo. Subida 2.º tramo parcial (ref. catastral 15070A004090080000WH).
- 10.–Camiño Subida a Breamo 2.º tramo parcial (ref. catastral 15070A004090110000WH).
- 11.–Camiño da Cruz do Monte. Ventosa Ferrocarril (ref. catastral 15070A002090040000WL).
- 12.–Camiño dos Mouchos en Valdeañatos (ref. catastral 15070A022090090000WZ).
- 13.–Camiño subida a Breamo 1.º tramo (ref. catastral 15070A005090020000WM).

2.–Camiños sobre os cales non consta identificación catastral nun primeiro análise sobre os mesmos e sobre os que non se pode considerar como indicio adicional a titularidade catastral, pero sí constan no PXOM como camiños reflexados na planimetría do documento urbanístico en vigor en Pontedeume:

- Camiño en Pumariñas e Borredos
 - Camiño en Curio
 - Camiño en Os Chapizos
 - Camiño Rúa C de Chao de Ombre
 - Camiño en Chao de Ombre, A Rega
 - Camiño en Andrade
 - Camiño do Cotelo

SEGUNDO.–Publicar o acordo de iniciación no Boletín Oficial da Provincia da Coruña e ademais estará a disposición dos interesados na sede electrónica do Concello, na seguinte dirección <https://www.pontedeume.gal>

Así mesmo expoñer no taboleiro de anuncios do Concello de Pontedeume un exemplar do anuncio de publicación no BOP A Coruña, durante un prazo de quince días.

TERCEIRO.–Dar traslado do acordo de iniciación á Administración Xeral do Estado e á da Comunidade Autónoma para que, no seu caso, poidan facer valer os seus dereitos e alegar o procedente.

CUARTO.–Abrir trámite de información pública por prazo dun mes, contado dende o día seguinte ao que remate a publicación dos anuncios no taboleiro da Corporación, para que as persoas afectadas polo expediente de investigación, no caso de que, a partir desta incoación do expediente, se personen no mesmo alegando a súa condición de interesado no procedemento, e poidan alegar por escrito canto estimen conveniente ao seu dereito ante a Corporación, acompañando todos os documentos en que funden as súas alegacións. Nese caso, o trámite de información pública por prazo dun mes comenza a contarse dende a notificación individual aos interesados que se personen no expediente.

QUINTO.–Finalizado o prazo para presentar alegacións aos posibles interesados, no caso de persoarse no procedemento, abrir un período de proba por prazo de 15 días hábiles no que serán admisibles os seguintes elementos:

- Os documentos públicos xudiciais, notariais ou administrativos outorgados con arranxo a Dereito.
- O recoñecemento e ditame pericial.
- A declaración de testemuñas.

Terase en conta nesta fase do procedemento a aportación de documentación catastral, rexistral ou de colindantes en relación particularmente dos camiños incluídos no punto 2 do apartado primeiro do presente acordo, ao carecer neste momento de acreditación da titularidade catastral dos mesmos, que como rexistro público é proba iuris tantum da condición de terreos de dominio público dos mesmos, o que fai que sobre eles se faga necesario, en maior medida, obter datos fehacientes en fase probatoria que constanten a propiedade dos mesmos, con carácter previo á resolución do expediente.

SEXTO.–Practicadas as probas e valoradas polos Servizos da Corporación, poñer de manifesto o expediente ás persoas a quen afecte a investigación, se houberen comparecido nel, para que, durante un prazo de 10 días, aleguen o que crean conveniente ao seu dereito.

SÉTIMO.–No caso de que a instrucción do procedemento permita constatar a titularidade municipal dos camiños afectados, proceder á tasación dos mesmos, e elevar novamente a Pleno, previo infome do Secretario da corporación, para a súa aprobación definitiva e a súa inclusión no Inventario municipal, así como para ordear a adopción das medidas tendentes á efectiva posta a disposición dos mesmo ao Concello de Pontedeume, procedendo os servizos técnicos a sinalizar os mesmos e a elaborar as memorias técnicas necesarias con descripción gráfica dos mesmos para levar a cabo as tarefas de reparación e arranxo necesarios para que os camiños poidan ser destinados á finalidade para a que están previsto”.

O que se publica para xeral coñecemento.

Documento asinado dixitalmente por D. Bernardo Fernández Piñeiro, Alcalde-Presidente, en Pontedeume, a 8 de novembro de 2017.

2017/9789